

& imperata, ipse etiam *versiculus* 8. haud obscure videtur insinuare id, quod diximus. Jubentur ibi cavere Colossenses, *ne quis sit, qui deprædetur eos aut libertate sua exuat per Philosophiam & inanem seductionem, secundum traditionem hominum, secundum elementa mundi* (κατὰ τὰ σοιχεῖα τῆς κόσμου) & non secundum Christum. Commode hic *Georg. Calixtus* in *Exposit. Liter.* cum *Jos. Scaligero* per Philosophiam deceptricem hominumque traditiones intelligit placita Judæorum *Essenorum*, aut alius sectæ ex his prognatæ; quandoquidem & *Josephus* & *Philo* & *Eusebius* Judaicarum sectarum studia Philosophiæ titulo insignit, & quæ de Essenis speciatim ex *Philone* memorat *Calixtus*, quam optime cum his conveniunt, quæ per totum *Caput. II.* Apostolus reprehendit. Habemus ergo hic 1.) iterum cæremonias Judaicas astrorum cursu directas. Sed & 2.) notandum, quod in textu *traditiones hominum* seu præceptiones rituum Judaicorum sub Novo Fœdere abrogatorum, *ab elementis mundi* distinguantur, tanquam id, quod *secundum elementa mundi*, aut ad normam & præscriptum elementorum sit compositum. Itaque τὰ σοιχεῖα τῆς κόσμου in se diversum quid esse oportet a Lege cæremoniali, sed quid aliud, nisi corpora mundana, Judaicis ritibus modum statuentia?

V. In *versu hujus Capitis* 20. non multum nobis est laborandum: Dicit Apostolus, Colossenses *cum Christo mortuos*, i. e. per baptismum participes fructuum mortis Christi redditos, *sec. Rom. VI. 4. 8. liberatos esse ab elementis mundi*, ita scilicet, ut non amplius sint δεδουλομένοι ὑπὸ τὰ σοιχεῖα τῆς κόσμου, eo sensu, quem ad *Galat. IV. 3.* observavimus.

Scholium.

Quamquam in veritatis inquisitione non tam auctoritate & suffragiis aliorum, quam rationibus niti decet, tamen ne cui novitatis titulo hæc sententia & interpretatio suspecta videatur, visum est *Chrysostomi* Patris disertissimi & Græcæ literaturæ peritissimi paria de his Scripturæ locis cogitata saltem ex *Æg. Menagio* l. d. citare, qui ad *Coloss. II. σοιχεῖα κόσμου* ait *Solem & Lunam* ab Apostolo vocari, perinde ut in *Epist. ad Galatas. Gal. IV.* autem τὰ σοιχεῖα τῆς κόσμου exponit de *Noviluniis & Sabbatis*, addita ratione: αὐται γὰρ ἡμῖν αἱ ἡμέραι ἀπὸ δρέμας σελήνης καὶ ἡλίου γίνονται. Verum & ex recentioribus *Nic. Zegerus* in *Gal. IV. 3.* ita est commentatus. *Hic & rursus v. 9. Elementa mundi hujus vocat crassas*